

Suid Afrikaanse Woonwaa Assosiasie

Suikerbosrand
Suikerbekkie



SPRINGS PETS & BIRD PARK



011 811 2666

Accessories

- Pet food & Kennels
- Cat Litter
- Pet Toys & Accessories
- Fish Tanks & Accessories
- Reptile Tanks & Accessories

Pets

- Dogs
- Cats
- Assortments of Birds & Fish
- Reptiles
- Rats & Mice



Gert Wolmarans
082 374 8797



47 Geduld Road.
Next to Paul Kruger Highway, Geduld Ext. Springs



New & Pre-owned motorcycles



BIG BOY
PIT BIKES • COMMUTERS • ATVs

Virgie Lavos

61/63 2nd Street, P.O. Box 701, Springs, 1560

Tel: 011 815 6726/7/8/9 Fax: 011 362 3773

A/H: 011 813 2734 Cell: 082 557 7095


vanbreda@netactive.co.za

MAART 2018

INHOUDSOPGAWE

Oordenking.....	1
Uit die Voorsitter se pen.....	2-3
Redaksie.....	4
Seniorburger verslag.....	4
Bestuursinligting.....	5-6
Voogdelys.....	7
Lief en leed.....	8
Bloekompoort kamp verslag.....	9-13
Nkwe kamp verslag.....	14-19
Oop NUB terugvoering.....	20-23
Verjaarsdae & Huwelikshedenkings.....	24
Tiener Verjaardag en Cool kids.....	25
Tiener blad.....	26
Jeug vermaak.....	27
Klappermelkbrood.....	28
Uit die natuur.....	29
Smoushoekie.....	30
Jaarprogram.....	31

Jaargang 44 Nr. 3



Oordenking

Leef Dankbaar

Wees altyd bly. Wees in alle omstandighede dankbaar, want dit is wat God in Christus Jesus van julle verwag. (1 Tess. 5 : 16 – 18).

Vir Christene is dit moontlik om dankbaar te wees selfs al gaan dit dalk nie so voor die wind met ons nie. Om dankbaar te leef is 'n keuse wat jy maak. Jy kan self kies of jy in alles wat met jou gebeur iets positiefs wil raak sien.

In my jong dae het ek die storie van Pollyanna vreeslik geniet. Haar ouers kon nie Kersgeskenke bekostig nie. Hulle geskenke het bestaan uit pakkies wat hulle van ander mense gekry het. Pollyanna se pa het haar geleer om in alles wat met haar gebeur iets te soek waaroor sy kan bly wees. Een kersfees het sy 'n paar krukke in haar Kerspakkie gekry. Toe die teleurgestelde Pollyanna by haar pa wou weet hoe sy oor haar krukke bly kon wees, het hy geantwoord: "Jy kan bly wees omdat jy hulle nie nodig het nie."

Tel jou seëninge. Al het jy baie in die lewe verloor, het jy dalk baie meer rede tot blydschap as die meeste ander mense. Al is jy siek, is daar mense wat baie sieker is as jy; al het jou man sy werk verloor, is julle huwelik nog standvastig.

Leer om elke dag met blydschap te leef omdat God jou lief het. Soek jou seëninge – veral wanneer dit nie so goed gaan nie – en dank die Here elke dag vir elke seën wat jy raaksien.

(Bron: 'n Lewe van liefde deur Nina Smit)



Uit die Voorsitter se pen

Dagsê Suikerbosranders,

Die tyd stap so vinnig aan dat ons al skoon vergeet het hoe lekker ons in Desember vakansie gehou het. Ek sien dat van die bome se blaartjies begin al bruin word en dit beteken net een ding, dat herfs om die draai is en die koue nader kom.

Ons Januarie kamp was baie lekker gewees en ons wil vir ons nuwe Burgemeesters paar Bertus en Wilma baie geluk wens met julle verkiesing.

Vriende, ons Februarie kamp by Nkwe was 'n naweek wat ons nie sal vergeet nie. Ons droom om die Loerie kinderhuis se kinders te huisves het waar geword. Die wat daar was kan getuig dat dit 'n besonderse naweek was. Wat 'n voorreg was dit om die kinders te vermaak en ek weet hulle het dit ook terdeë geniet. Ons was regtig daardie dag geseën. Hier moet ek al ons lede bedank vir julle bydrae al was dit hoe groot of klein en al die hulp met die kamp en reëlings. In die 35 jaar wat ek 'n Sawa lid is was hierdie kamp vir my 'n hoogtepunt. Ek hoop ons kan weer so maak. Ons gaan aan met die ou klere en blikkies kos projek om dit bymekaar te maak vir die Loeries. Daar sal vir julle gevra word om met elke kamp 'n spesifieke blikkie kos saam te bring, wanneer ons 'n klompie blikkies en ou klere bymekaar gemaak het, sal ons dan 'n dag daarvan maak en vir hulle gaan kuier en als saamvat. Almal sal welkom wees om saam te gaan.

Daar is 'n paar van ons lede met wie se gesondheid dit nie so goed gaan nie. Ons bid en vertrou dat ons **Hemelse Vader** sy hand van beskerming oor hulle sal hou en vinnig sal laat herstel. Daar is nuwe lede wat by ons aangesluit het en ek wil vir hulle baie welkom heet, kom wees deel van die Suikerbosranders en geniet elke saamtrek saam met ons.

Baie dankie aan almal wat konfyte en lekkers gemaak het vir ons Lekka Bek stalletjie tydens die Presidente saamtrek. Julle bydrae maak hierdie kermis altyd 'n sukses.

Ons moes twee kampe skuif weens baie hoë tariewe, die April maand se saamtrek is nou die naweek van **20-22 April** by **Kamp Oase Secunda** ((Lake Umuzi Waterfront) en **Mei** maand skuif na **Bush Inn die 18-20 Mei**.

Dit is weer tyd om aan ons 2019 se jaar program te begin werk en ons wil graag by julle hoor waar julle graag wil kamp. Ek weet dit is nie altyd maklik om almal tevrede te stel nie, maar ons moet ook na die finansies omsien. Die parke word nie goedkoper nie en almal is besig om hulle tariewe met groot persentasies op te skuif, dit maak dit baie moeilik vir ons. Volgende jaar se Februarie kamp gaan soos in die verlede 'n Gebiedskamp wees en in September is dit die Nasionale kamp, ons sal dan nie 'n streeks kamp vir Februarie reël nie en so dan die Gebiedskamp ondersteun.

Baie geluk ook aan Dániel van Deventer wat gekies is as Gebied Oosrandia se Senior Burger verteenwoordiger.

My gebede is dat ons **Hemelse Vader** sy hand van beskerming elke dag oor ons sal, ons behoed en bewaar en vir ons die gesondheid en krag sal gee.

Tot ons volgende saamtrek en veilig sleep.

Virgie

“Moet jou nie kwel oor die stoflike wat jy nie kan saamneem nie, kwel jou oor die siel wat jy nie kan agterlaat nie.” (Knuppelidik aan koningskos)



Redaksie

Liewe Vriende

Ons vorige uitgawe was propvol nuus oor ons kinders se prestasies.

Dankie aan elke ouer wat dit vir my gestuur het.

Enige nuus of prestasies wat ek in die Suikerbekkie kan sit is baie welkom.

Dit is noodsaaklik dat ware liefde opreg en opofferend sal wees, en niks as vergoeding sal verwag nie.

Anoniem



Seniorburger Verteenwoordiger

Bloekompoort 21 - 25 Januarie 2018

Die seniorburger kamp het al die Sondag 21 Januarie begin met 3 woonwaens. Die getalle het daaglik gegroei tot 12 waens vir die seniorburger kamp. Ons kuier lekker saam, ontbyt in die oggend en braai saam in die middag. Deur die dag kuier ons as 'n groep saam. Ek glo daar is min streke wat so as 'n groep kan saam kuier en grappies vertel. Dit het ook af en toe gereën, maar gelukkig is die stoep en saal daar om te kuier as dit nat is. Die seniorburgers se kamp sluit soos gewoonlik af met die gebruiklike pap en wors.

Ons dink ook aan Johan en Elize en bid hulle die Here se genade toe. Met die res van die seniors gaan dit goed. Ons volgende seniorburger kamp is met die AJV Augustus maand.

Groete

Phillip en Ans Opperman

Bestuursinligting

Ampsdraers	Adres	Kontakbesonderhede
Streeksvoorsitter Virgie Lavos 	Posbus 13160 Geduld , 1562	011 813 2734 (H) 011 363 3773 (F) 082 557 7095 (S) virgie@tiscali.co.za
Ondervoorsitter Johnny Randall 	Liebenberg Straat 22 Heidelberg 1441	016 349 5661 (H) 084 580 8729 (S) john.randall@absamail.co.za
Sekretaris Jackie Lavos 	Posbus 13160 Geduld , 1562	011 813 2734 (H) 083 448 5831 (S) virgie@tiscali.co.za
Penningmeester Bettie Branken 	Johan vd Merwe Rylaan 48 Visagie Park 1491	011 814 5289 (H) 083 230 8350 (S) brankenem@telkomsa.net

Voogdelys

Bestuursinligting

Ampsdraers	Adres	Kontakbesonderhede
Skakelbeampte Mercia Combrink 	Johan vd Merwe Rylaan 53 Visagie Park 1491	011 814 5496 (H) 072 617 6999 (S) merciacombrink@gmail.com
Vorraad Zirk Venter 	H 26 Misty Bay Viliage Vaal Marina	082 871 5210 (S) zirkie@gmail.com
Redaksie Margaret Randall 	Liebenberg Straat 22 Heidelberg 1441	016 349 5661 (H) 072 766 7025 (S) mags.randall@yahoo.com
Seniorburger Verteenwoordiger Pieter Branken 	Johan vd Merwe Rylaan 48 Visagie Park 1491	011 814 5289 (H) 083 785 3365 (S) brankenem@telkomsa.net

Virgie en Jackie Lavos	Bertie en Wilma Herbst Gert en Erika Scheepers George en Hester Duvenhage Jooste en Elize Potgieter Hennie en Monica Oosthuyzen
Johnny en Margaret Randall	Peter en Wilna Moore Lionel en Mynah Randall Ivan Randall Adriaan en El-Marie Erasmus Rui en Annette Cajada
Pieter en Bettie Branken	Maria van Niekerk Lourens en Beatrix Steyn Johan en Elize van Heerden Philip en Hettie Horn Dániel en Paula van Deventer Willem en Ryna Gerber Phillip en Ans Opperman Christo en Ansie Conradie
Zirk en Rie Venter	Mike en Margaret van der Riet Jan en Daleen Viljoen Tienus en Daleen Strydom Ananda Olwagan Dries en Martie Brandt
Hennie en Mercia Combrink	Ilona Dreyer Toy en Marianne Kruger Lukas en Annatjie van der Merwe Kobie en Sophie Harmse Cookie Taljaard Cedric en Yolandi Strydom

Lief

Baie geluk aan ons nuwe Burgemeesterspaar vir 2018 Bertus en Wilma Herbst.



Leed



Bertus Herbst het 'n ligte beroerte gehad.

Pieter Branken se ma is oorlede.

Johan van Heerden het vroër die jaar 'n beroerte gehad en dit gaan nie te goed met hom nie.

Mike van der Riet was in die hospital met nierstene.

(Ons dink aan elkeen en ons bid vir 'n spoedige herstel vir julle. Red.)

Kampnuus

Bloekompoort

26 - 28 Januarie 2018

Na 'n lang kersseisoen was die mense al so lus vir kamp dat sommige van ons die vorige Sondag al opgedaag het. Elke dag het nog waens opgedaag sodat ons teen Donderdag al 11 waens was. Die res het Vrydag opgedaag om 'n mooi totaal van 21 waens te bereik, waarvan 4 gaste was.

Vrydagaand het ons lekker gesmul aan hoenderburgers, waarna ons boeke gevat het en daarna het ons net lekker gekuier.

Saterdagoggend net na boekevat en ontbyt is daar begin om die saal en die blomme reg te kry vir die inhuldiging van die nuwe burgemeesterspaar. Almal het gewonder wie dit sal wees.

Twee-uur die middag het almal in die saal bymekaar gekom vir die seremonie en die lekker eet daarna. Virgie het opgestaan en die burgemeesterspaar vir 2018 aangekondig. Baie geluk aan Bertus en Wilma met julle verkiesing. Nadat die kettings geruil, en die fotos geneem is, kon ons lekker saam kuier.

Later die aand is daar weer saam gebraai. Die reën het ons egter net kans gegee om klaar te braai en te eet toe dit ons almal woonwaens toe gejaag het.

Sondagoggend het ons weereens afgeskop met 'n heerlike Bloekompoort ontbyt, waarna die erediens en afsluiting gevolg het. Na die afsluiting het die meeste mense maar begin oppak, want dit het gelyk of dit weer vroeg gaan begin reën.

So kom ons toe weer aan die einde van nog 'n heerlike kamp.

Ons wil almal wat gekamp het weereens bedank vir hulle samewerking en ons hoop om almal weer op die volgende kamp te sien.

Groete
Philip en Hettie



Die kampkommandante besig om aandete voor te berei



Die kampkommandante Philip en Hettie Horn



Inhuldiging van die nuwe burgemeesterspaar Bertie en Wilma



Johan en Elize van Heerden kry 'n aansporings plaatjie



Phillip en Ans Opperman kry 'n aansporings plaatjie



*George en Hester
Duvenhage kry 'n
aansporings plaatjie*



*Kobie en Sophie
Harmse kry 'n
aansporings plaatjie*

*Jan en Daleen
Viljoen kry 'n
aansporings plaatjie*



*Bertie en Wilma
Herbst kry 'n
burgemeesters
plaatjie*



*Virgie en Jackie
Lavos kry 'n
aansporings plaatjie*



Die MamParas vir die naweek

Kampnuus

Nkwe

23 - 25 Februarie 2018

Wat 'n heerlike naweek, het somer vrydag al vroeg begin kamp opstaan. Almal was opgewonde, die "Loeries" kom vir ons kuier Saterdag.

Na 'n vroegoggend kuier met koffie en muffin by die kampkommodant tent het ons net na 9.00vm 'n toet by die hek gehoor en uiteindelik daag Bets - pleeg moeder met haar bus "Loerie Jeugsentrum" en al haar pragtige goed versorgde kinders op. Met 'n groot opgewondenheid is daar heen en weer gegroet. Ons het met boekevat begin waarna die kinders met 'n mooi lied afgesluit het. Die Suikerbos manne en dames het ingespring en 'n heerlike "brunch" vir die kinders voorgesit. Virgie en sy span het hulle na die rivier en watergat geneem op 'n uitstappie. Daarna is speletjies gespeel, roomys geëet en heerlik gesmul aan die ribburgers en cupcakes. Toe dit aan die einde van die dag kom was almal aangedaan toe Virgie met 'n krakerige stem begin praat en ons ander moes maar swaar sluk aan die knop in ons eie kele. Die kinders het met blydskap en soveel dankbaarheid hul rugsakkies ontvang - selfs Bets was bly oor haar eie tassie.

Wat vir my so treffend was terwyl mens hul opgewondenheid inneem, was een van die groter seuns wat met soveel blydskap sy kossakkie uit sy rugsak gehaal het met die woorde: "Tannie Bets nou het ons weer nuwe kos sakkies!" Wat vir ons partykeer so van selfsprekend is, was vir hom soos 'n stukkie goud! En elke keer as ek na die video kyk wat ek geneem het voel ek hul dankbaarheid aan en sal dit altyd onthou. Die Sawanante het 'n heerlike dag met 'n braai afgesluit.

Sondag oggend na kerkdiens en afsluiting het een vir een begin oppak en huiswaarts gekeer met baie herinneringe aan 'n heerlike naweek, 'n droom van 'n paar jaar wat waar geword het. Virgie, Jackie en die bestuur wat al die reëlings getref het en almal wat gesorg het dat die

naweek glad verloop, vir al die skenkings en donasies baie dankie. Ons gaan weer so maak want ons kan!!

Alle eer en dank aan ons Hemelse Vader dat Hy dit vir ons moontlik gemaak het dat ons hierdie ervaring in Sy wonderlike natuurskoon kon meemaak!

SAWA Groete,

Jooste en Elize



*Lekker ribburgers vir
Vrydagaand ete*

Suikerbosranders reg vir die Loerie Jeugsentrum se kinders





Loerie Jeugsentrum se kinders en Betsie



Uitstappie na die swemgat

Daar word spelletjies gespeel saam met die kinders



Lekker kos word gemaak vir die kinders



Die kinders kry elkeen 'n geskenk pakkie





*Lekker
Saterdagavond braai*



*Hennie en Monica
Oosthuizen welkom
by Suikerbosrand*



*Dániel en Paula van
Deventer
kry 'n aansporings
plaatjie*



*Die
kampkommandante
Jooste en Elize
Potgieter*



*Virgie Lavos die MamPara
vir die naweek*

Oop NUB terugvoering

**Bloekompoort
9 - 11 Februarie 2018**

Hiermee die terugvoer van die Oop NUB vergadering te Bloekompoort woonwapark.

Strategiese beplanning

Daar was weer 'n ernstige gesprek waar nog idees en punte vorendag gebring is. Andre Swanepoel gaan al die punte op 'n werksdokument sit vir bespreking. Meimaand se NUB vergadering gaan weer 'n semi- oop-NUB wees om lede die kans te gee om weer die gesprek en vrae en antwoorde by te woon. Toekennings moet nie goedkoop gemaak word nie, maar gee erkenning waar dit nodig is.

Seniorburgers

Nico Spaumer bedank streke wat kampe en aktiwiteite vir hul Seniorburgers reël.

Streeksnuusbriewe en Kommunikasie

Streeksvoorsitters wat in die vervolg hulle nuusbriewe by die Kongres uitgestal wil hê, sal dit self moet uitdruk en saamneem en daar uitstal, of vir Marianne Erasmus laat kry sodat sy dit dan uitstal. Marianne het reeds die skrywe uitgestuur met die kriteria vir beoordeling van nuusbriewe. Sy vra dat almal asb. moet deelneem en hul streeksnuusbriewe instuur vir beoordeling.

Fondsinsameling

SAWA se gholfdag gaan bietjie uitskuif a.g.v. streke Elandsrand en Rietfontein se gholfdae wat gaan plaasvind.

Vorraad – SAWA kantoor

Vorraad in die kantoor is steeds hoog. Geen klere of baadjies gaan meer in die kantoor op voorraad gehou word nie. Dit gaan op aanvraag bestel word.

JAARPROGRAM 2018

Die jaarprogram vir 2018 is reeds in Desember uitgestuur. As julle dit nog nie ontvang het nie, kontak die kantoor.

SAWANANT

Die Sawanant is ook in Desember uitgestuur.

Finansies

Finansies in SAWA is kerngesond. Finale state gaan binnekort na SARS toe. Streke moet 'n bankrekening oophou vir finansies. Gelde mag nie in enige lid se persoonlike bankrekening gehou word vir die betrokke streek nie.

Kongres 2018

Die kongres gaan by Weesgerus aangebied word. Daar word nog onderhandel oor die tariewe. Dagbestuur gaan kampkommandante wees, maar daar is gevra dat as julle bereid is om hulp aan te bied, julle julle name sal opgee.

Ledewerwing en lede-aangeleenthede

Voorsitters moet die ledeontledingslys meer bespreek op die streeksvergaderings. Tans is ons Gebied die tweede kleinste met 107 lede in totaal. Gebied Goue Weste het 96 lede. Ongelukkig mag ons ledegetalle verder daal as gevolg van die situasie met Panorama.

Webwerf

Daar gaan reëls opgestel word aangaande 'n Sosiale netwerk vir SAWA sodat almal daaraan kan voldoen. 'n Komitee is aangestel en besig om daarna te kyk, maar jul is welkom om enige insette aan my te stuur asb. As jul iets op SAWA@Network wil plaas, kontak vir Andre Swanepoel en hy sal help daarmee.

Nasionale saamtrek

Die Nasionale kamp vir 2018 gaan by Malonjeni wees. Koste is R1000-00 per staanplek vir die naweek. SAWA het die oord uitgekoop en as daar meer as 100 woonwaens gaan wees sal die tarief verminder. Kom ons probeer om in groot getalle uit ons Gebied daar op te daag. Dit gaan 'n heerlike naweek wees. Inligting sal deurgegee word soos dit ontvang word.

Presidente 2018

Gebied Vaaldriehoek is die kampkommandante. Die reëlings vorder goed. Gebied Oos- Transvaal se stalletjies is almal bespreek. Koste vir die Presidente is R250-00 per nag vir SAWA lede en gaste betaal R400-00 per nag. Dagbestuur gaan probeer onderhandel met die oord vir 'n glykskaal vir betaling. Terugvoer sal binnekort gegee word.

Algemeen

1. Daar is elke week 'n 5 minute praatjie oor SAWA op Pretoria FM kanaal 107.6 om 14:40 as julle wil inskakel.
2. Gebied Jakaranda bied weer n 100+ saamtrek aan te Weesgerus. Alle lede wat 100 of meer kampe gedoen het, is welkom om die kamp by te woon.
3. Streek Roodekruin vier hulle 21ste verjaarsdag die 26ste Mei 2018 met 'n ete en dans by Hoërskool Nico Diedrichs. Almal is welkom om saam te kom feesvier.
4. Kampverskuiwings moet asb so gou moontlik deurgegee word na die kantoor toe.
5. Gebied Oosrandia se Gebiedskamp te Malonjeni vind plaas van 23 - 25 Feb 2018 as julle dit wil bywoon. Koste is R520-00 vir die naweek.
6. Op Aprilmaand se Gebiedsvergadering sal ons 'n finale besluit vir afgradering of ontbinding van streek Panorama moet neem en indien by Mei maand se NUB

(Erkenning aan Lance Batts Gebieds voorsitter van Oos-Transvaal se opsomming van die NUB vergadering. Red.)



Die NUB vergadering Saterdagoggend



Die kampkommandante Rudi en Ilze Kleynhans

Huweliksherdenking

- 8 Maart Philip en Hettie Horn
25 Maart Jan en Daleen Viljoen
27 Maart Lionel en Mynha Randall
28 Maart Gert en Erica Scheepers
- 5 April George en Hester Duvenhage
8 April Tienus en Daleen Strydom
20 April Peter en Wilna Moore



Verjaarsdae

- 6 Maart Daleen Viljoen
9 Maart Adriaan Erasmus
15 Maart Lourens Steyn
21 Maart Annatjie van der Merwe
29 Maart Wilma Herbts
- 1 April Wilna Moore
2 April Bertus Herbst
3 April Maria van Niekerk
6 April Hennie Oosthuyzen
7 April El-Marie Erasmus
13 April Kobie Harmse
18 April Cookie Taljaard
20 April Mike van der Riet
- 2 Mei Lionel Randall
5 Mei Beatrix Steyn
14 Mei Cedric Strydom



Tiener Verjaarsdag

16 Maart



"Cool Kids"



Nanette Olwagen het medaljes vir eerste, tweede en derde plek in atletiek verower. En kom sesde by die interlaer byeenkoms.

(Baie geluk Nanette – Red)

Tiener blad



Adriëtte Viljoen speel hokie vir die A-Span.


(Mooi so Adriëtte – Red)



Leard kleinseun van Bertie en Wilma Herbst presteer baie goed in hekkies. By Tukkies se sportdag behaal hy derde plek. Hy het ook die Noord-Wes span gehaal.

(Geluk Leard – Red)

Jeug vermaak



© 2011 - www.hellokids.com

(Bron : <http://www.hellokids.com>)

Uit die Kombuis



Klappermelkbrood

Botter om te smeer
Polenta of mieliemeel
3 koppies (400g) koekmeel
1 teelepel (5ml) suiker
1 ½ teelepel sout
¼ teelepel koeksoda
1 eetlepel (15g) kitsgids
1 koppie (250ml) klappermelk, loutwarm
¼ koppie water, loutwarm
2 eetlepels olie

So maak jy;

1. Voorverhit die oond tot 200°C. Smeer 'n 1 x 1 cm broodpan met botter en besprinkel die binnekant met polenta of mieliemeel. Skud dit wat nie vaskleef nie, uit.

2. Meng die meel, suiker, sout, koeksoda en gis in 'n staanmenger met 'n deeghaak. Roer die klappermelk, water en olie daarby in en meng dit dan op 'n vinnige spoed vir slegs 1 minuut totdat 'n taai deeg vorm.

3. Druk die deeg in die broodpan en bedek met kleefplastiek. Laat dit eenkant rys totdat die deeg amper gelyk is met die bokant van die pan.

4. Bak die brood vir sowat 45 minute of tot 'n toetspen skoon uitkom.

(Bron: Weg!)

Uit die Natuur

Kuifkophoutkapper

Grootte: Lengte 23 – 24 cm; gewig 58 – 83g

Kleur: Kop en gesig geel met rooi skubvere en klein swart kuif; res van bokant is swart met wit kolle en skubvere; kruis rooi; pens geel met rooi strepe; breë swart kraag op bors het wit skubvere; snawel ligte groen-ivoorkleur met grys punt.

Habitat: Boomveld, hoofsaaklik akasie-struikveld, rivierbos, tuine.

Die deurdringende, onmusikale trilklanke van die kuifkophoutkapper, wat klink soos 'n wekker wat lui, kan ononderbroke vir tot 30 sekondes duur. Hulle roep om kontak te hou met mekaar, om aggressie uit te druk, hul gebied bekend te maak en 'n maat nader te lok.

Kuifkophoutkappers lyk en gedra hulle soos hansworse, veral wanneer hulle op die grond kos soek, want hulle hop rond met hul opgeligte kuif wat soos 'n snaakse hoed lyk. Hulle vreet vrugte en insekte wat hulle in bosse en bome soek.

Hulle lê 2 tot 4 eiers. Die eiers word 17 dae bebroei en die kuikens verlaat die nes na 'n maand of wat. Die kuifkophoutkapper kan tot 4 broeisels in een seisoen grootmaak.

(Bron: Dierelewe van Suider – Afrika)



Smous hoekie

Wil jy braai vanaand, maar jou houtskool of vuuraanstekers is op?

Skakel vir Dries Brandt by telefoon nommer 011 814 6394 of 083 234 9563.

Hy verkoop ook potjieprutters en potjiedekselstaanders.

Vir lekker tuis-gebakte klein koekies en beskuit bel vir Mercia Combrink by 0726176999. Bestellings moet geplaas word voor 'n kamp en dit sal na die kamp gebring word.

(Baie dankie aan tannie Mercia wat aangebied het om 10% van die verkope op 'n kamp aan die jeugfonds te skenk. Red.)

As jy wil adverteer in die smoushoekie of enige nuus wil deel, stuur gerus 'n e-pos vir my by

mags.randall@yahoo.com



Die Suikerbekkie word uitgegee deur die Suikerbosrand streek van SAWA. Plasing van berigte, artikels of enige ander bydrae of advertensies impliseer nie dat dit noodwendig die standpunt van SAWA is nie.

Besoek gerus SAWA web werf vir meer inligting oor SAWA:

<http://www.sawa.org.za>

Jaarprogram 2018



Maand	Datum	Plek	Kamp Kommandante
Januarie	24 - 25 Snrb	Bloekompoort	Phillip en Ans Opperman
	26 - 28	Bloekompoort	Philip en Hettie Horn
Februarie	23 - 25	Nkwe	Jooste en Elize Potgieter
Maart	30 - 2 April	Presidente	
April	20 - 22	Kamp Oase	Mike en Margaret v/d Riet
Mei	18 - 20	Bush Inn	Doedies
Junie	Geen		
Julie	Geen		
Augustus	8 - 9 Snrb	Bloekompoort	Pieter en Bettie Branken
	10 - 12	Bloekompoort	Bestuur
September	14 - 16	Nationaal	
Oktober	26 - 28	Bush Inn	Virgie en Jackie Lavos
November	21 - 22 Snrb	Bloekompoort	Pieter en Bettie Branken
	23 - 25	Bloekompoort	Jeug



Dynamic Signs & Print,
cc

011 811 5477

dsp.print@gmail.com

www.dspdotprint.co.za

www.facebook.com/dsp.print

Copy Centre

High Volume Copying
Laminating & Encapsulation
Stamps & Frames
Binding - Ring, Wire,
Punch & Perfect

Silk Screening

ABS, Correx & Chromodek
Licence Discs,
Stickers & Labels
Shirts, Overalls,
Bags & Caps

Printing

Graphic Design
Flyers & Business Cards
Letterheads, Comp-slips,
Books, Invitations,
Stickers & Labels

Signage

Correx & Chromodek
Vehicle Signage,
Vehicle Wraps
Shopfronts & Light Boxes

Digital Printing

Posters, Banners, Canvas
Pull-Up Banners

Other

Sandblasting &
Lazer Engraving

60
YEARS
OF SERVICE TO THE
CAMPING COMMUNITY



Clarendon Campworld cc
Springs



Clarendon Caravans & Camping (Pty) Ltd, 49 Geduld Rd, Geduld Ext. Springs

Tel: 011 811 9900/1/2, Fax: 011 811 3270, P.O.Box 15575, Riverfield, 1564

Co Reg. no. 1968/03646/07 Director: Gert Scheepers - 082 820 8400